

قصر الحب

القصر اللي ليك بنيتو علاش انت بيدك هديتو ؟
القصر اللي ليك رفعتو علاش انت بيدك زعزعتو
وقلبي لمسكين ليعتو وليك هو مع القصر هديتو
علاش انت بيدك هديتو القصر اللي ليك بنيتو ؟
القصر اللي بيتو لقربك ويابو ركزتو على حبك
وقلت يعيشو قلبي وقلبك فيه وننسى اللي عانيتو
علاش انت بيدك هديتو القصر اللي ليك بنيتو ؟
القصر اللي بنيتو بضلوعي للاجمال وللخيال
ومعاك نحي زاهي البال في البنيان اللي عليتو
القصر اللي بنيتو بضلوعي وسقيتو من طهر دموعي
تهدم وتحطم مشروعي اللي شيدتو وبنيتو
علاش انت بيدك هديتو القصر اللي ليك بنيتو ؟
قصري بنيتو اللآمال للاحلام وللخيال
ومعاك نحي زاهي البال في البنيان اللي عليتو
ياخي انت بيدك هديتو القصر اللي ليك بنيتو ؟
علاش ترضى تهدم لي قصري اللي فيه دوبت فكري
وزخرفت بألحان وشعري ورسعتو بيك وضويتو
علاش انت بيدك هديتو القصر اللي ليك بنيتو ؟
القصر اللي ليك تشاد وكانت روجي ليه غماد
صارقدامي كمشه رماد وكيف مديت ايدي ولميتو
نفخت على رمادي وذريتو القصر اللي ليك بنيتو ؟

محمود بورقبيبة